



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry for Education**

Broj: 11-06/01-04-7801-34/26  
Sarajevo, 25.06.2026. godine

Na osnovu člana 7., 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 23/03, 34/03 i 65/13), čl. 16. i 21. Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, broj: 37/21), čl. 3. i 6. Odluke o postupku, kriterijima za izbor i imenovanje, razlozima i procedurama za razrješenje i suspenziju Upravnog odbora, Nadzornog odbora i direktora Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, br. 45/21 i 16/23), Ministarstvo za odgoj i obrazovanje Kantona Sarajevo raspisuje

## JAVNI OGLAS

**za izbor i imenovanje predsjednika Upravnog odbora Javne ustanove Institut za razvoj preduniverzitetskog obrazovanja Kantona Sarajevo, čije konačno imenovanje vrši Vlada Kantona Sarajevo**

### I

**U Upravni odbor Javne ustanove Institut za razvoj preduniverzitetskog obrazovanja Kantona Sarajevo** (u daljem tekstu: Institut) bira se:

1. Predstavnik Ministarstva za odgoj i obrazovanje Kantona Sarajevo  
(u daljem tekstu: Ministarstvo) ..... 1 predsjednik.

### II

Na osnovu ovog Javnog oglasa za izbor i imenovanje predsjednika Upravnog odbora Javne ustanove Institut za razvoj preduniverzitetskog obrazovanja Kantona Sarajevo, čije konačno imenovanje vrši Vlada Kantona Sarajevo (u daljem tekstu: Javni oglas) izvršit će se imenovanje na poziciju predsjednika Upravnog odbora Instituta, za koju nije bilo prijavljenih kandidata ili prijave kandidata nisu ispunjavale uslove Javnog oglasa za izbor i imenovanje predsjednika i članova Nadzornog i Upravnog odbora Javne ustanove Institut za razvoj preduniverzitetskog obrazovanja Kantona Sarajevo, čije konačno imenovanja vrši Vlada Kantona Sarajevo, na mandatni period od četiri godine, broj: 11-06/01-04-7801-5/26 od 21.04.2026. godine.

**Upravni odbor Instituta**, pored poslova utvrđenih zakonom, obavlja i sljedeće poslove: donosi Pravila, Pravilnik o radu i druge opće akte u skladu sa zakonom, utvrđuje Godišnji plan i program rada, imenuje i razrješava direktora, donosi odluku o raspisivanju konkursa za prijem radnika, donosi Finansijski plan i usvaja Godišnji obračun, odlučuje o korištenju sredstava preko iznosa utvrđenog Pravilima i zakonom, donosi Plan javnih nabavki, usvaja Izvještaj o radu i finansijskom poslovanju, odlučuje o promjeni unutrašnje organizacije, predlaže osnivaču promjene djelatnosti i statusne promjene, odlučuje o svim pitanjima obavljanja djelatnosti radi kojih je Institut osnovan ako zakonom nije regulisano da o određenim pitanjima odlučuje neko drugi, rješava sva pitanja odnosa sa osnivačem, odlučuje o prigovoru radnika na rješenje kojim je drugi organ Instituta

određen Pravilima odlučio o pravu, obavezi i odgovornosti radnika iz radnog odnosa i druga pitanja u skladu sa zakonom i Pravilima.

### III

**(1) Za predsjednika Upravnog odbora u Institutu može biti nominovan/imenovan kandidat koji ispunjava sljedeće opće uvjete:**

- a) da je stariji od 18 godina;
- b) da je državljanin Bosne i Hercegovine;
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od prethodne tri godine od dana objavljivanja upražnjene pozicije;
- d) da se na tog kandidata ne odnosi član IX 1. Ustava Bosne i Hercegovine;
- e) da nije osuđivan za krivično djelo i za privredni prestup nespojiv sa obavljanjem dužnosti člana Upravnog odbora;
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08) i Zakona ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 23/03, 34/03 i 65/13).

**(2) Pored navedenih općih uvjeta, kandidat koji se nominuje/imenuje za poziciju predsjednika Upravnog odbora Instituta treba da ispunjava i sljedeće posebne uslove:**

- a) da posjeduje univerzitetsku diplomu, odnosno da ima završen najmanje VII stepen stručne spreme ili završen najmanje drugi ciklus bolonjskog visokoobrazovnog procesa;
- b) da ima najmanje 5 (pet) godina radnog staža nakon sticanja univerzitetske diplome;
- c) da nema privatni finansijski interes u Institutu u smislu Zakona o sukobu interesa u organima vlasti u Federaciji Bosne i Hercegovine;
- d) da nije direktor Instituta;
- e) da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka).

### IV

Sve informacije o toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11). Postupak izbora provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 23/03, 34/03 i 65/03), Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, broj: 37/21) i Odluke o postupku, kriterijima za izbor i imenovanje, razlozima i procedurama za razrješenje i suspenziju Upravnog odbora, Nadzornog odbora i direktora Javne ustanove Institut za razvoj preduniverzitetskog obrazovanja Kantona Sarajevo („Službene novine Kantona Sarajevo“, br. 45/21 i 16/23), koju je donijela Vlada Kantona Sarajevo.

Vlada Kantona Sarajevo osigurat će da se izvrši i javno objavi konačno imenovanje na pozicije predsjednika Upravnog odbora Instituta.

Zainteresirana stranka može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi istovremeno Vladi Kantona Sarajevo i Ombudsmenu Bosne i Hercegovine.

### V

**Prijavljivanje se vrši putem prijavnog obrasca koji se može preuzeti u šalter-sali Kantona Sarajevo (ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo <http://www.mo.ks.gov.ba>.**

Uz **svojeručno potpisani prijavni obrazac**, kandidat treba priložiti:

1. Biografiju,
2. Univerzitetsku diplomu o završenom najmanje VII stepenu stručne spreme ili završenom najmanje drugom ciklusu bolonjskog visokoobrazovnog procesa (nostrifikovanu/priznatu diplomu, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine);



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

3. Uvjerenje o državljanstvu (ne starije od 6 mjeseci);
4. Potvrdu/uvjerenje o radnom stažu u struci - najmanje pet godina radnog staža nakon sticanja univerzitetske diplome - potpisanu i ovjerenu od strane poslodavca) ili uvjerenje o podacima registrovanim u matičnoj evidenciji osiguranika (FZ MIO-PIO);
5. Popunjenu i potpisanu Izjavu o ispunjavanju uvjeta ovjerenu od strane nadležne općinske službe (dostupna na web stranici Ministarstva);
6. Popunjen i potpisan Obrazac za pitanja o eventualnom postojanju sukoba interesa ovjeren od strane nadležne općinske službe (dostupan na web stranici Ministarstva).

**Sve dokumente potrebno je priložiti u originalu ili fotokopiji ovjerenoj kod nadležne općinske službe.**

**Prijavu sa dokumentacijom kandidat dostavlja lično ili poštom preporučeno, na sljedeću adresu: Ministarstvo za odgoj i obrazovanje Kantona Sarajevo, ul. Reisa Džemaludina Čauševića br. 1 sa naznakom: „Javni oglas za izbor i imenovanje predsjednika Upravnog odbora Javne ustanove Institut za razvoj preduniverzitetskog obrazovanja Kantona Sarajevo, čije konačno imenovanja vrši Vlada Kantona Sarajevo - ne otvarati, otvara Komisija“.**

Dokumentacija dostavljena na Javni oglas se ne vraća.

**Javni oglas će biti objavljen u dnevnom listu „Oslobođenje“ i u „Službenim novinama Federacije Bosne i Hercegovine“ i ostaje otvoren petnaest (15) dana od dana posljednjeg javnog objavljivanja.**

*Nepotpune, neblagovremene i neuredne prijave neće biti razmatrane.*

**Napomena:** Tekst Javnog oglasa, prijavni obrazac, obrazac izjave i obrazac za pitanja o eventualnom sukobu interesa dostupni su i na web stranici Ministarstva za odgoj i obrazovanje Kantona Sarajevo ([www.mo.ks.gov.ba](http://www.mo.ks.gov.ba)) i na web stranici Javne ustanove Institut za razvoj preduniverzitetskog obrazovanja Kantona Sarajevo.

**MINISTRICA**

*Naida Hota-Muminović, s.r.*



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)